

# ERLANTZ FURUNDARENA AGIRRE

E Maila | Bertsoa | 1. saria

Erlantz da nire izena, 12 urte ditut eta Beasainen bizi naiz. Andramendi ikastolan ikasten dut, 6.mailan. Hainbat zaletasun ditut: musika, antzerkia, dantza, idaztea... eta nire denbora librean animaliekin egotea gustatzen zait. Etorkizunean antzezlea, musikaria eta hegazti domatzailea izan nahi nuke.



## NIRE METAK/HELBURUAK

**Doinua:** Irun badaukazu zerbait (Palomarena)

Txikitan izan nahi nuen

etxeko baserritarra,

baratzean aritzea

eta biltzea belarra,

Zuhaitzetatik bilduta

pikua eta sagarra,

zuhaitzetara igota

edo jaitsita adarra,

bederatzi urterekin  
futbolean titularra,  
Nahiz eta ez ninduten ni  
hartu inoiz... kaka zaharra!

Musikaria ere bai,  
txirula eta gitarra,  
taldekoekin batera  
musika jo barra-barra!

Meta haietatik bat dut  
lehengoetatik berbera,  
musikarena, hain zuzen,

perkusioaz aurrera!  
Jendearekin jotzeak  
egiten nau sentibera,  
eta orain zerbait badut

musikarekin batera:  
hegaztiekin bizitzen  
eta zaintzen ikastera  
egunen batean joan  
nahi nuke norabaitera  
harraparien munduan  
egin nahi badut karrera

Basabere izeneko

eskolan badut aukera.